

## CONVENIO DE COLABORACIÓN ENTRE A CONSELLERÍA DE ECONOMÍA E INDUSTRIA E O CLÚSTER ALIMENTARIO DE GALICIA PARA A ELABORACIÓN DO PLAN DIRECTOR DO SECTOR ALIMENTARIO

### MEMORIA XUSTIFICATIVA

A directora xeral de Estratexia Industrial e Solo Empresarial da Consellería de Economía e Industria, **DECLARA:**

Que a Consellería de Economía e Industria formalizou co Clúster Alimentario de Galicia (en diante CLUSAGA) o instrumento convencional arriba referido por un período de vixencia que abrangue dende a data da súa sinatura ata o 31 de decembro do 2025.

Que o instrumento convencional ten por obxecto:

Instrumentar e regular as condicións específicas que rexerán entre a Consellería de Economía e Industria e CLUSAGA para o desenvolvemento das seguintes actividades:

#### **1. Análise e diagnóstico do sector alimentario de Galicia e a súa dinámica recente; retos e oportunidades.**

- 1.1. O sector alimentario na economía de Galicia. Delimitación e ramas. Peso do sector alimentario na economía galega.
- 1.2. A industria alimentaria e a cadea de valor.
- 1.3. Perspectiva macroeconómica do sistema alimentario, relación do sector primario e a industria alimentaria: Esquema de fluxos, oferta e demanda.
- 1.4. Estrutura empresarial da industria alimentaria de Galicia e as súas tendencias recentes. Demografía empresarial.
- 1.5. A distribución comercial, comercio exterior e internacionalización da industria alimentaria.
- 1.6. As actividades de innovación no sector alimentario en Galicia.
- 1.7. Principais tendencias do contorno; os cambios no consumo alimentario.
- 1.8. Novas orientacións de planificación estratéxica na UE, España e Galicia.
- 1.9. Análise DAFO sectorial.

#### **2. Colaboración para elaborar o plan director do sector alimentario, en galego e castelán, e acompañamento ata a súa aprobación no Consello da Xunta.**

- 2.1. Revisión e proposta de actualización dos apartados iniciais comúns a todos os plans directores.
- 2.2. Organización de mesas e reunións con axentes sociais, empresas, entidades de referencia e asociacións sectoriais vinculadas coa industria alimentaria. Os participantes serán propostos por Clusaga e validados pola Secretaría Xeral de Industria e Desenvolvemento Enerxético, que poderá solicitar, á súa vez, a participación doutras entidades de interese para o sector. Esta información será traballada de xeito que se





traten as diferentes prioridades sectoriais definidas nos plans directores: internacionalización, sustentabilidade, dixitalización, competitividade e innovación, investimentos, persoas, e infraestruturas e solo.

2.3. Proposta de redacción do plan director, partindo da análise previa do sector e da información cualitativa xerada nas mesas de traballo e nas reunións con informantes clave. Nesta fase desenvolverase a parte sectorial do plan partindo da análise efectuada na actividade 1 e adaptando a información, en formato e fondo, á estrutura predefinida desde a Secretaría Xeral de Industria e Desenvolvemento Enerxético na configuración dos diferentes apartados que conforman o plan director. Así mesmo, definiranse as prioridades sectoriais e a relación de medidas solicitadas desde o sector para facer fronte a estas necesidades.

2.4. Colaboración na investigación de instrumentos financeiros públicos, presentes e futuros que sirvan para apoiar a implementación das medidas recollidas no plan director.

2.5. Preparación das mesas de traballo cos diferentes organismos da Xunta de Galicia con competencias en materias vinculadas coas medidas demandadas. Presentación de resultados, solicitude de información, e integración desta nos apartados do plan que fan referencia á definición de medidas, fichas e marco económico-financeiro asociado.

2.6. Revisión lingüística dos textos do plan director do sector alimentario en galego e castelán e da súa documentación asociada. Esta revisión incluírá revisión ortográfica e gramatical, revisión de linguaxe non sexista e corrección de estilo.

2.7. Maquetación do plan director do sector alimentario en galego e en castelán, seguindo a liña gráfica prefixada desde a Secretaría Xeral de Industria e Desenvolvemento Enerxético.

2.8. Traballos complementarios que deben realizarse para a aprobación do plan no Consello da Xunta de Galicia. Esta actuación supón a realización de tarefas como a preparación de documentos executivos, tratamento das alegacións e realización de memorias, e organización e preparación da información económica.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar fundaméntase no seguinte:

Que Clusaga é unha asociación sen ánimo de lucro que opera nunha estrutura organizada do sector alimentario galego, integrando en procesos de cooperación a empresas, entidades de investigación e innovación e outras organizacións, para fortalecer o sector. O seu obxectivo central, tal como recollen os seus Estatutos, consiste en "contribuír ao fortalecemento, potenciación, crecemento sustentable e mellora da competitividade e da internacionalización do sector alimentario de Galicia".

Deste xeito, Clusaga configúrase como un instrumento estratéxico para situar o sector alimentario galego como referente global a través do impulso da súa competitividade e da vinculación deste á calidade e á excelencia da marca Galicia en alimentación, a través da innovación, a colaboración e a creación de novas oportunidades de negocio.



Que, en liña co desenvolvemento, promoción e coordinación da política industrial, promoveuse por parte da Consellería de Economía e Industria, en colaboración con Clusaga, a elaboración do plan director do sector alimentario, sector declarado como estratéxico no Consello da Xunta de Galicia do 17 de febreiro do 2025.

A Consellería de Economía e Industria achegará para o financiamento do custo das accións previstas no presente convenio sesenta mil euros (**60.000 €**). Esta cantidade financiarase con cargo á aplicación orzamentaria, código de proxecto e anualidades seguintes:

<b>Código proxecto</b>	<b>Aplicación orzamentaria</b>	<b>2025</b>	<b>TOTAL</b>
2024 00034	09.02.732A.640.8	60.000 €	60.000 €

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

Santiago de Compostela, na data indicada na sinatura dixital

A directora xeral de Estratexia Industrial e Solo Empresarial,

Margarita Ardao Rodríguez

